



Fylkesmannen i Hordaland

FYLLINGEN ELEKTRISKE AS
Folke Bernadottes vei 52
5147 Fyllingsdalen

Bergen, 13. desember 2018

Dykkar ref.:
Simen Hella

Vår ref.(oppgi ved svar):
2018/14817
Sakshandsamar:
Silje Tingstad

Rapport etter inspeksjon ved Elkjøp Fyllingsdalen

Kontrollnummer: 2018.136.I.FMHO

Kontaktpersonar ved inspeksjonen:

Frå verksemda:

Simen Hella
Alexander Nesse

Frå Fylkesmannen i Hordaland:

Silje Tingstad
Diana Eidem

Resultat frå inspeksjonen

Denne rapporten gjeld resultat frå inspeksjon ved Elkjøp Fyllingsdalen 21. november 2018. Rapporten er å sjå på som endeleg dersom vi ikkje får tilbakemelding om faktiske feil innan to veker etter at rapporten er motteken.

Fylkesmannen i Hordaland fann 2 avvik og ga 1 merknad under inspeksjonen innan følgjande tema:

- Sortering og oppbevaring av EE-avfall
- Informasjon om mottak av EE-avfall
- Oppbevaring av EE-avfall med sensitive data

Avvik og merknadar er nærmere omtalte frå side 4 og utover i rapporten. Oppfølginga etter inspeksjonen er nærmere omtalt på side 2.

Elektronisk dokumentert godkjenning, utan underskrift

Silje Tingstad
overingeniør

Diana Eidem
overingeniør

Kopi til: Bergen kommune

1. Informasjon om den kontrollerte verksemda

Ansvarleg eining

| | |
|---|---------------------------|
| Namn: FYLLINGEN ELEKTRISKE AS | |
| Organisasjonsnr.: 992819596 | Eies av: 992815337 |
| Bransjenr. (NACE-kode): 47.540 - Butikkhandel med elektriske husholdningsapparater | |

Kontrollert eining

| | |
|--|---------------------------------|
| Namn: Elkjøp Fyllingsdalen | Anleggsnr.: 1201.0827.01 |
| Kommune: Bergen | Fylke: Hordaland |
| Anleggsaktivitet: Produktforhandler | |
| Løyve gitt: - | Sist endra: - |

2. Bakgrunn for inspeksjonen

Inspeksjonen vart gjennomført for å kontrollere om gjeldande krav som er fastsette i eller med heimel i forureiningslova, vert overhaldne. Inspeksjonen inngår i Fylkesmannen sin aksjon for EE-avfall hos forhandlarar.

Tilsynet vart gjennomført i medhald av forureiningslova § 48.

Inspeksjonstema

Tema for aksjonen var forhandlars plikt til mottak, sortering og oppbevaring av EE-avfall, og plikta til å informere om dette.

Rapporten gjeld avvik og merknader som vart avdekkja under inspeksjonen. Han gir ingen fullstendig tilstandsvurdering av miljøarbeidet eller miljøstatusen til verksemda.

Definisjonar

Avvik: Manglande etterleving av krav fastsette i eller med heimel i lov.

Merknad: Eit tilhøve som tilsynsetatane meiner det er naudsynt å peike på for å ivareta ytre miljø, men som ikkje er omfatta av definisjonen for avvik.

Andre tilhøve: Saker som kom fram under inspeksjonen og som det kan vere nyttig for verksemda og sakshandsamarar å kjenne til. Informasjon om verksemda og kommentarar til tema som vart tekne opp under inspeksjonen, men som ikkje vart klassifisert som avvik eller merknadar, kan også inngå her.

3. Oppfølging etter inspeksjonen

Elkjøp Fyllingsdalen pliktar å rette opp avvika som er omtalte i denne rapporten så snart som råd. For at Fylkesmannen skal kunne avslutte saka, ber vi om at Elkjøp Fyllingsdalen innan 15. februar 2019 sender ei skriftleg utgreiing som viser korleis avvik er retta og kva tiltak som er gjennomførte eller planlagde.

Vi ber også om at verksemda sender inn ei kort utgreiing om korleis merknaden er vurdert, eventuelt korleis den vil bli følgt opp.

Vi ber om at de stiler svarbrevet eller e-post (fmhopostmottak@fylkesmannen.no) til Fylkesmannen i Hordaland v/Silje Tingstad.

4. Vedtak om gebyr

Vi viser til informasjon og varsel om gebyrplikt som vart gitt munnleg til verksemda 21. november 2018. Verksemder skal betale gebyr for kontrollar utførte av Fylkesmannen i samsvar med § 39-3 i forureiningsforskrifta. Gebyret skal dekke kostnader med førebuing, gjennomføring og oppfølging av kontrollen. Gebrysatsar for kontroll av verksemder etter forureiningslova er fastsette i forureiningsforskrifta §§ 39-7 og 39-8.

På bakgrunn av forventa ressursbruk må Elkjøp Fyllingsdalen betale eit gebyr på kr 5 200,- for inspeksjonen, jf. forureiningsforskrifta §§ 39-7 og 39-8. Dette svarar til gebrysats 5 for tilsyn som varer inntil ein dag. Miljødirektoratet vil sende dykk ein faktura for innbetaling til statskassa. Fylkesmannen viser elles til forureiningsforskrifta kapittel 39 om innkrevjing av gebyr til statskassa.

Klagerett

Vedtaket om gebyr kan klagast på til Miljødirektoratet, jf. § 28 i forvaltningslova. Ein eventuell klage bør vere skriftleg grunngjeven og adressert til Miljødirektoratet, men han skal sendast via Fylkesmannen i Hordaland. Fylkesmannen vil vurdere endring av vedtaket eller sende saka vidare til Miljødirektoratet for endeleg vedtak. Gebyret som er fastsett ovanfor, må likevel betalast inn. Dersom Miljødirektoratet tek klagan til følgje, vil for mykje innbetalt beløp bli refundert.

5. Innsyn

Denne rapporten vil vere offentleg tilgjengeleg via postjournalen til Fylkesmannen i Hordaland (jf. offentleglova).

6. Avvik

Vi fant følgjande avvik under inspeksjonen:

Avvik 1

Verksemda si oppbevaring og sortering av EE-avfall er mangelfull

Avvik frå:

Avfallsforskrifta § 1-5

Kommentarar til regelverket:

Forhandlar skal sørge for at EE-avfall som er motteke vert sortert frå anna avfall og vert oppbevart på eigna stad, som ikkje er skjemmande eller fører til fare for forureining eller skade på menneske eller dyr. Moglegheita for førebuing til ombruk, materialgjenvinning og utsortering av komponentar i EE-avfallet skal ikkje bli redusert. Det vil normalt bety at avfallet må lagrast på fast dekke og skjerma for vêr og vind. Forhandlar skal setje i verk tiltak for å forhindre tjuveri av EE-avfall.

Avviket er basert på følgjande observasjonar:

Kvittevarer vart oppbevart i låst container. Småelektronikk vert oppbevart i opne bur. Det er sett opp eit anleggsgjerde rundt bura, som er låst utanom opningstid. Kvitevarer og eventuelle fulle bur vert plassert i containeren 3-4 gonger i veka. Det hopar seg opp EE-avfall på dagar det ikkje vert rydda. Det er meir tilgjengeleg for tjuveri og kan føre til risiko for forureining og skade på menneske eller dyr.

Det vart opplyst at kundar kunne levere lysstoffrøyr i kassa i butikken, og at desse vart oppbevart inne. Dette sto ikkje opplyst nokon stad. Mange lysstoffrøyr låg ute i buret for småelektronikk, slik at det lett kunne bli knust og føre til forureining eller skade på menneske og dyr. Det vart opplyst at verksemda ikkje har rutine for å sortere ut lysstoffrøyr frå bura med småelektronikk.

Avvik 2

Informasjonen til kundar om mottak av EE-avfall er mangelfull

Avvik frå:

Avfallsforskrifta § 1-6

Kommentarar til regelverket:

I avfallsforskrifta § 1-6 står det at forhandlar skal informere om at EE-avfall ikkje skal kastast saman med anna avfall og at det vert tatt i mot vederlagsfritt. Det skal informerast gjennom oppslag i alle butikklokale, framvisings- og utstillingslokale, på mellombelse utsalsstader og i alt sals- og informasjonsmateriell som vert publisert, både i elektroniske og papirbaserte media. Teksten skal vere lett å få auge på, lett å lese og skilje seg frå anna informasjon.

Avviket er basert på følgjande observasjonar:

Verksemda opplyste at dei ikkje hadde informasjon om mottak av EE-avfall i butikklokalet.

7. Merknadar

Merknad 1

Oppbevaring av EE-avfall med sensitive data

Kommentarar:

I avfallsforskrifta § 1-5 står det at det skal vere eit tilbod om at EE-avfall som kan innehalde sensitive data kan oppbevarast i stasjonær låst behaldar eller ved tilsvarende sikker lagring.

Verksemda oppbevarer EE-avfall med sensitive data i ei kasse på lageret. Denne var ikkje låst. Verksemda bør vurdere om EE-avfall som inneheld sensitive data skal oppbevarast på anna måte.

8. Andre forhold

Varsel om tilsynet vart sendt til verksemda via kundeservice på hello@elkjop.no. Butikken hadde ikkje mottatt varselet då Fylkesmannen kom på tilsyn. Tilsynet vart derfor gjennomført som ein uanmeldt inspeksjon.

9. Dokumentunderlag

Lovgrunnlaget for inspeksjonen var:

- forureiningslova med underliggjande forskrifter
- avfallsforskrifta kapittel 1 om kasserte elektriske og elektroniske produkt
- internkontrollforskrifta

10. Brosjyrar

Faktaark M-116/2014 Når EE-produkt blir avfall

<http://www.miljodirektoratet.no/Documents/publikasjoner/M116/M116.pdf>

Faktaark M-297/2015 Gebyr ved kontroll

<http://www.miljodirektoratet.no/Documents/publikasjoner/M297/M297.pdf>